



**ZAPISNIK O RADU 26. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 18.07.2022. GODINE**

Broj: 01-GV-02-1173/22
Sarajevo, 18.07.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Nihad Uk, zamjenik predsjedavajućeg Kluba gradskih vijećnika Naše stranke
5. Vedad Deljković, predsjedavajući Kluba gradskih vijećnika Stranke demokratske akcije
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Elvedin Korora, predsjedavajući Kluba gradskih vijećnika „Korora/Skorupan“
8. Marijela Hašimbegović, predsjedavajuća Kluba gradskih vijećnica „Demokratska fronta-“
9. Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Mila Eminović Rizvanović, sekretar Gradskog vijeća

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo), Seid Škaljić, predsjedavajući Kluba gradskih vijećnika „Narodni evropski savez (NES) – Željko Majstorović“ (najavljeno odsustvo) i Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca šef Odjeljenja za kabinetske poslove.

Jasmin Ademović, predsjedavajući Gradskog vijeća je otvorio sjednicu u 15.06 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa osam glasova „za“, bez glasova „protiv“ i jednim „suzdržanim“ glasom **je usvojio** Zapisnik o radu 25. sjednice Kolegija Gradskog vijeća, održane 05.07.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 26. sjednice Kolegija Gradskog vijeća, tako da glasi:

1. Priprema za održavanje 18. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 18. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Jasmina Ademovića, predsjedavajućeg Gradskog vijeća je podsjetio članove Kolegija Gradskog vijeća da je na 25. sjednici Kolegija održanoj dana 05.07.2022. godine usvojen zaključak da će se 18. sjednica Gradskog vijeća održati u srijedu 27.07.2022. godine sa početkom u 10.00 sati u Vijećnici.

Zatim je upoznao članove Kolegija da je sjednica Skupštine Kantona Sarajevo zakazana za srijedu 27.07.2022. godine, te predložio izmjenu termina održavanja 18. sjednica Gradskog vijeća, uz napomenu da će poziv za 18. sjednicu Gradskog vijeća biti dostavljen gradskim vijećnicima u srijedu 20.07.2022. godine.

Jasmina Ademovića, predsjedavajući Gradskog vijeća je predložio da se 18. sjednica Gradskog vijeća održi u utorak 26.07.2022. godine sa početkom u 10.00 sati u Vijećnici, kako bi se omogućio direktan prijenos sjednice Gradskog vijeća Grada Sarajeva putem Televizije Kantona Sarajevo.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojilo** sljedeći zaključak:

- 18. sjednica Gradskog vijeća će se održati u **utorak 26.07.2022. godine u Vijećnici** sa početkom **u 10.00 sati**;
- Pozivi gradskim vijećnicima za 18. sjednicu Gradskog vijeća će se uputiti u **srijedu 20.07.2022. godine**.

Jasmina Ademovića, predsjedavajućeg Gradskog vijeća je konstatovao da je u 15.11 sati sjednici Kolegija Gradskog vijeća pristupio član Kolegija Toni Vukadin, te da sjednici prisustvuje deset članova Kolegija.

Jasmina Ademovića, predsjedavajućeg Gradskog vijeća je upoznao članove Kolegija Gradskog vijeća sa mogućim prijedlogom dnevnog reda 18. sjednice Gradskog vijeća Grada Sarajeva, koji glasi:

1. Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva
2. Prijedlog Odluke o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva, NVO „Naša perspektiva“ i Sarajevske regionalne razvojne agencije (SERDA)
3. Prijedlog Odluke o davanju saglasnosti gradonačelnici Grada Sarajeva za pridruženje CIVITAS mreži evropskih gradova
4. Prijedlog Odluke o davanju saglasnosti gradonačelnici Grada Sarajeva za zaključivanje Sporazuma o bratimljenju između Grada Sarajeva, Bosna i Hercegovina, i Grada Ljubljane, Republika Slovenija
5. Izvještaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2021./2022. godinu
6. Izvještaja o realizaciji preporuka iz Izvještaja o finansijskoj reviziji Grada Sarajeva za 2022. godinu
7. Izvještaj o utrošku sredstava tekuće rezerve iz Budžeta Grada Sarajeva za 2022. godinu, za period 01.01.2022. – 30.06.2022. godine

8. Informacija o usvojenom Dokumentu okvirnog Budžeta Grada Sarajeva za period 2023.-2025. godina
9. Informacija o aktivnostima na realizaciji vanrednog investicionog održavanja fontane ubijenoj djeci Sarajeva 1992.-1995.
10. Informacija o aktivnostima na realizaciji projekta čišćenja i uklanjanja nanosa i mulja iz korita rijeke Miljacke, koji je sastavni dio Jedinственog projekta „Čista rijeka Miljacka“
11. Informacija o stanju sigurnosti javnog saobraćaja u Kantonu Sarajevo
12. Informacija o realizaciji vijećničkih pitanja i inicijativa za tekuću godinu
13. Vijećnička pitanja i inicijative

b. Novi prijedlozi

Aida Bajramović, rukovodilac Stručne službe za poslove kabineta i poslove Gradske uprave, informisala je članove Kolegija da će Gradonačelnica za 18. sjednici Gradskog vijeća predložiti još dva materijala, po skraćenom postupku, i to:

1. Prijedlog Odluke o prihvatanja prenosa prava vlasništva i posjeda bez naknade i davanju saglasnosti gradonačelnici Grada Sarajeva za potpisivanje – zaključivanje Ugovora o prenosu prava vlasništva i posjeda bez naknade
2. Prijedlog Odluke o sticanju statusa udruženja od posebnog značaja za Grad Sarajevo za SOS – KINDERDORF INTERNATIONAL

Ad 2)

Tekuća pitanja

a. Razmatranje inicijativa i prijedlog upućenih Gradskom vijeću

Jasmin Ademović, predsjedavajući Gradskog vijeća je upoznao članove Kolegija da su radna tijela, u pripremi 18. sjednice Gradskog vijeća Grada Sarajeva, uputila Gradskom vijeću Grada Sarajeva na razmatranje određene prijedloge.

I.

Tako je Odbor za javne službe, infrastrukturu i javni saobraćaj uputio inicijativu Gradskom vijeću Grada Sarajeva da donese zaključak kojim će zadužiti Gradonačelnicu da razmotri problem uočen u vrijeme klanja kurbana kada je u Miljacku sa bistričke strane, preko puta Vijećnice, uočeno izlivanje velike količine krvi, a što su evidentirali mediji i društvene mreže, te da o problematici i eventualnom prijedlogu rješenja informiše Gradsko vijeće, a da Gradsko vijeće Grada Sarajeva iskaže zabrinutost zbog pojava kao što je ova, koje štete ugledu grada Sarajeva.

Jasmin Ademović, predsjedavajući Gradskog vijeća je konstatovao da je Kolegij Gradskog vijeća razmotrio navedenu inicijativu, te su se članovi Kolegija prihvatili prijedlog predstavnice gradonačelnice da gradonačelnica za 18. sjednicu Gradskog vijeća, pripremi informativni materijal o iznesenoj problematici.

II.

Zatim je upoznao članove Kolegija sa prijedlogom Komisije za Statut i akte koji se upućuje Gradskom vijeću na razmatranje, a koja traži od Gradskog vijeća da svojim zaključkom zaduži Gradonačelnicu da preispita i donose novi Pravilnik o kriterijima za korištenje sredstava tekuće rezerve Budžeta Grada Sarajeva.

III.

Na kraju je upoznao članove Kolegija da je Komisija za izbor i imenovanja zatražila da se poduzme sve što je potrebno da se do kraja septembra mjeseca donose nova Odluka o uslovim i načinu dodjele „Šestoaprilske nagrade Grada Sarajeva.“

Nihad Uk, zamjenik predsjedavajućeg Kluba gradskih vijećnika Naše stranke i predsjedavajući Komisije za izbor i imenovanja je dao dodatna pojašnjenja i naglasio da je novu Odluku o uslovima i načinu dodjele „Šestoaprilske nagrade Grada Sarajeva“ potrebno donijeti na septembarskoj sjednici Gradskog vijeća, obzirom da je potrebno da Gradsko vijeće Grada Sarajeva, na oktobarskoj sjednici, donese Odluku o imenovanju Odbora za dodjelu „Šestoaprilske nagrade Grada Sarajeva“ u 2023. godini.

Aida Bajramović rukovodilac Stručne službe za poslove kabineta i poslove Gradske uprave je obavijestila članove Kolegija da će Gradonačelnica postupiti po Zaključku Kolegija Gradskog vijeća i formirati radnu grupu za izradu Prijedloga Odluke o uslovima i načinu dodjele „Šestoaprilske nagrade Grada Sarajeva“.

b. Druga tekuća pitanja

Jasmin Ademović, predsjedavajući Gradskog vijeća je, još jednom, podsjetio članove Kolegija da je u četvrtak 21.07.2022. godine u Vijećnici planirano održavanje skupa koji će zajednički organizovati Grad Sarajevo i Vijeće za provođenje Okvira za ciljeve održivog razvoja u Bosni i Hercegovinu čiji član je i UNDP u BiH, kao inicijator izrade i donošenja Okvira u Vijeću ministara BiH i član Vijeća, a koji upućuje poziv za održavanje ovoga skupa. Istako je da se planira da na skupu, pored predstavnika Vijeća i UNDP-a, svoja iskustva predoče gradske općine, te da se prezentirati i rad Općina Ilidža i Općina Bijeljina, ka održivim ciljevima razvoja, kao primjeri dobre prakse.

Jasmin Ademović, predsjedavajući Gradskog vijeća je pozvao članove Kolegija da se odazovu pozivu na ovaj skup, te da prenesu ovu informaciju gradskim vijećnicima iz svojih klubova.

Članovi Kolegija Gradskog vijeća su vodili raspravu o potrebi uređivanja pitanja odobravanja osvjtljenja fasade Vijećnice u povodu određenih događaja, bez zaključaka.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 15.28 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.